

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 8-fevral, shanba № 11 (15753)

ЎЗБЕКИСТОН ПРЕЗИДЕНТИ ХХII ҚИШКИ ОЛИМПИАДАНИНГ ОЧИЛИШ МАРОСИМИДА ИШТИРОК ЭТДИ

Ўзбекистон Республикаси Президенти Ислон Каримов 7 февраль куни Сочи шаҳрида ўтаётган ХХII қишки Олимпия ўйинларининг очилиш маросимида иштирок этди.

Ушбу Олимпия ўйинларида саралаш босқичидан муваффақиятли ўтган спортчиларимиз Ксения Григорьева ва Артём Воронов тоғ чанғиси, Миша Ге фигурали учиш мусобақаларида иштирок этади. 5 февраль куни Олимпия шаҳарчасида терма жамоамиз шарафига Ўзбекистон Давлат байроғи тантанали равишда кўтарилди.

ХХII қишки Олимпиада мустақил Ўзбекистон терма жамоаси қатнашаётган олтинчи шундай мусобақадир. Мамлакатимиз спортчилари мустақил жамоа сифатида иштирок этган илк Олимпиада – 1994 йилда Норвегиянинг Лиллехаммер шаҳрида ўтган ХVII қишки Олимпия ўйинларида фристайл бўйича олтин медални қўлга киритиб, улкан муваффақиятга эришган эди.

Ўтган йиллар мобайнида Ўзбекистон спортчилари Олимпия ўйинларида 6 олтин, 5 кумуш ва 11 бронза, Осиё ўйинларида 54 олтин, 76 кумуш ва 93 бронза медалига сазовор бўлди. Бундай натижалар Ўзбекистон спортга давлат томонидан алоҳида эътибор қаратилаётган ва жадал ривожланаётган мамлакатлар орасида тобора мустаҳкам ўрин эгаллаётганидан далолат беради.

Бугунги кунда спорт ёшларимиз ҳаётида тобора муҳим ўрин эгаллаб бормоқда. Давлатимиз раҳбари, Ўзбекистон Болалар спортини ривожлантириш жамғармаси Ҳомийлик кенгаши Раиси Ислон Каримов таъкидлаганидек, мамлакатимизда 2 миллионга яқин бола спортнинг 30 дан зиёд тури билан мунтазам шуғулланмоқда. Олимпия спорт турлари бўйича терма жамоаларимиз 2 мингга яқин спортчи шуғулланаётган олий спорт маҳорати мактабларида шакллантирилмоқда.

Сочи шаҳрида ўтаётган ХХII қишки Олимпия ўйинларида 90 га яқин мамлакатдан 5 минг 500 дан зиёд спортчи иштирок этмоқда.

Ушбу Олимпия ўйинлари учун махсус қурилган «Фишт» стадионида 7 февраль куни жаҳоннинг етакчи мамлакатлари раҳбарлари иштирокида мусобақанинг тантанали очилиш маросими бўлиб ўтди. Олимпиада машъаласининг ёқилиши маросимнинг энг ҳаяжонли дамлари бўлди.

Ўзбекистон Республикаси Президенти Ислон Каримов Сочига сафари доирасида Туркменистон Президенти Гурбангули Бердимухамедов билан учрашди. Музокарада Ўзбекистон – Туркменистон муносабатларига доир ва томонларни қизиқтирган бошқа масалалар юзасидан фикр алмашилди.

ЎЗА



Истиқлол фарзандлари

9-fevral – Alisher Navoiy tavalludi kuni

МАЪНАВИЯТ ВА ИЛҲОМ МАНБАИ

«Туркистон» саройида буюк мутафаккир, улуғ шоир Алишер Навоий таваллудининг 573 йиллигига бағишлаб «Назм ва наво» кечаси муסיқали-мағрифий тадбир бўлиб ўтди.

Ўзбекистон Республикаси Маданият ва спорт ишлари вазирлиги томонидан Ўзбекистон Ёзувчилар уюшмаси, Республика Маънавият тарғибот маркази, Бадий академия, Матбуот ва ахборот агентлиги, «Тасвирий ойна»

ижодий уюшмаси ва бошқа қатор ташкилотлар билан ҳамкорликда ташкил этилган мазкур тадбирга ёзувчи ва шоирлар, адабиётшунос олимлар, маънавият тарғиботчилари, ўқитувчилар, табаррук онахон ва отахонлар, иқтидор

ли талаба-ёшлар таклиф этилди.

Ўзбекистон Республикаси маданият ва спорт ишлари вазири М.Ҳожиматов, Ўзбекистон Ёзувчилар уюшмаси раиси М.Аҳмедов ва бошқалар Президентимиз Ислон Каримов раҳнамолигида ёш авлодни соғлом, мустақил фикрлайдиган, юксак маънавиятли инсонлар этиб вояга етказиш, улар қалби ва онгига ватанпарварлик, истиқлол ғояларига садоқат, миллий анъана ва қад-

риятларимизга ҳурмат туйғуларини чуқур сингдириш масаласига устувор аҳамият қаратилаётганини таъкидлади. Бу борадаги эзгу сый-ҳаракатларда мерос наинки халқимиз, балки башарият маънавий мулкига айланган аجدодларимиз ҳаёти, фаложияти, ижодини ўрганиш, унинг мазмун-моҳиятини халқимиз, айниқса, ёш авлодга етказишга алоҳида эътибор берилмоқда.

(Давоми 2-саҳифада)

Hududlardan mujdalar

ТОШКЕНТ ШАҲРИ

«Камолот» ЁИХ Марказий Кенгашида буюк мутафаккир Мир Алишер Навоийнинг 573 йиллигига бағишлаб «Хазрат Навоий — маънавиятимизнинг порлоқ юлдузи» мавзуида давра суҳбати ўтказилди.

«Камолот» ЁИХ Тошкент давлат техника университети бошланғич ташкилоти ташаббуси билан ташкил этилган ушбу тадбирда Навоий ҳаёти ва ижоди ҳамда жаҳон адабиётига қўшган ҳиссаси, инсонлар бахтсаодати, халқ фаровонлиги, мамлакат ободлиги йўлида қилган меҳнатлари ҳақида сўз юритилди.

ТОШКЕНТ ВИЛОЯТИ

Бекобод шаҳридаги «Металлург» маданият саройида «Камолот» ЁИХ «Ўзметкомбинат» ОАЖ бошланғич ташкилоти ташаббуси билан «Имкон-шоу» интеллектуал ўйини ташкил этилди.

Ақл-заковат беллашувида «Камолот» ЁИХ Бекобод шаҳар кенгаши жамоаси, мактаб ва коллежлардаги бошланғич ташкилотлари етакчиларидан иборат жамоалар куч синашди. Интеллектуал ўйин сўнгида мухлислар ўртасида ҳам ўйин ташкил этилди. Берилган саволларга тўғри жавоб топганларга комбинатнинг эсдалик совғалари топширилди. Шу йилнинг март ойидан бошлаб, «Имкон-шоу» ўйини комбинатдаги цехлар ўртасида ҳам ўтказиладиган бўлди.

СИРДАРЁ ВИЛОЯТИ

3-Боёвут қишлоқ хўжалиги касбхунар коллежида «Концепция — мамлакатимиз тараққиёти кафолати» мавзуида давра суҳбати бўлиб ўтди.

Президентимиз томонидан илгари сурилган Концепциянинг мазмун-моҳиятини ёшлар ўртасида кенг тарғиб қилишга бағишланган тадбирда «Камолот» ЁИХ Боёвут тумани кенгаши, Ўзбекистон Халқ демократик партияси туман кенгаши, туман ИИБ ҲООб масъул ходимлари иштирок этди. Улар тадбирга йиғилган ёшларга Концепцияда белгилаб берилган вазифалар ҳамда маҳаллаларда ижтимоий-маънавий муҳитни соғломлаштириш, коллеж битирувчиларини тадбиркорликка жалб қилиш, уларнинг бандлигини таъминлаш бўйича олиб борилаётган ишлар ҳақида гапириб ўтишди.

МАЪНАВИЯТ ВА ИЛҲОМ МАНБАИ

(Давоми, аввали
1-саҳифада)

Истиқлол йилларида Алишер Навоий ижоди тўлиқ, ҳар томонлама тадқиқ этилмоқда. Унинг мукаммал асарлар тўплами нашр қилинди. Мутафаккир бобомиз асарлари умумтаълим мактаблари, коллеж ва лицейлар, олий ўқув юртлири, илмий-тадқиқот институтлари, маърифат муассасалари, ахборот-ресурс марказларида кенг ва атрофлича ўрганилмоқда. Шоир ижоди бастакор ва хонандалар, созандалар, мусаввирлар учун битмас-туганмас илҳом манбаи бўлиб хизмат қилмоқда. Фазаларига басталанган янги-янги кўшиқлар, адабий, бадий, тасвирий санъат асарлари халқимиз эътиборига тақдим этилмоқда. Бу навқирон авлодни ватанпарварлик, фидойилик, элу юрт тақдири учун дахлдорлик руҳида камолга етказишда муҳим аҳамият касб этмоқда.

Президентимизнинг «Юксак маънавият — энгилмас куч» асарида таъкидланганидек: «Инсон қалбининг қувончу қайғусини, эзгулик ва ҳаёт мазмунини Навоийдек теран ифода этган шоир жаҳон адабиёти тарихида камдан-кам топилади. Она тилига муҳаббат, унинг бекиёс бойлиги ва буюклигини англаш туйғуси ҳам бизнинг онгу шууримиз,



Аъло АБДУЛЛАЕВ (Ўза) олган сурат

юрагимизга аввало Навоий асари билан кириб келади. Биз бу бебаҳо меросдан халқимизни, айниқса, ёшларимизни қанчалик кўп баҳраманд этсак, миллий маънавиятимизни юксалтиришда, жамиятимизда эзгу инсоний фазилатларни қарор топтиришда шунчалик қудратли маърифий қуролга эга бўламиз».

— Буюк бобокалонимизнинг бой адабий мероси бадий мукамаллиги, маънавий-ахлоқий, тарбиявий нуқтаи назардан долзарблиги билан жаҳондаги барча халқларнинг маънавий мулкига айланган, — дейди Ўзбекистон халқ артисти Муножат Йўлчиева. — Навоий асарларининг сеҳри ва қудрати уларда инсоннинг маънавий

камолотга даъват этувчи туйғулар, ҳамжиҳатлик, тинчлик ва осойишталик, бунёдкорлик, ватанпарварлик, ҳалоллик сингари эзгу ғоялар бош мавзу сифатида тараннум этилишида ёрқин намён бўлади.

Шу кунларда Қорақалпоғистон Республикаси, барча вилоятлар ва Тошкент шаҳридаги маҳаллалар, ўқув даргоҳлари, маърифат масканлари, меҳнат жамоаларида эзувчи ва шоирлар, олимлар, маънавият тарғиботчилари, маданият ва санъат намоёндалари иштирокида буюк бобокалонимиз ҳаёти, фаолияти, ижодий меросига бағишланган кечалар, мушоиралар, маънавий-маърифий тадбирлар, давра суҳбатлари, илмий

анжуманлар ўтказилмоқда.

«Назм ва наво» кечасида шоир ижодий меросининг ёшлар маънавиятини юксалтиришдаги ўрни ва аҳамияти ҳақида сўз юритилди. Алишер Навоий фазаларидан намуналар ўқилди, унинг асарлари билан айтиладиган кўшиқлар ижро этилди. Сарой фойесида Алишер Навоий ҳаёти ва ижоди, бой адабий меросига бағишланган тасвирий ва амалий санъат кўргазмаси ташкил этилди.

Тадбирда Ўзбекистон Республикаси Президентининг Давлат маслаҳатчиси Х.Султонов иштирок этди.

**Назокат УСМОНОВА,
Ўза муҳбири**

■ Bolalar sporti ■

ЧЕМПИОН ҚИЗНИНГ ОРЗУЛАРИ

Шойтаълимизнинг Чилонзор туманидаги 126-умумтаълим мактаби 8-синф ўқувчиси Зухра Умрзоқова ўзбек жанг санъати бўйича кўпқарра мамлакат чемпиони. Эндигина ўн тўрт ёшга тўлган бу қизнинг эришяётган ютуқларига тенгдошлари ҳавас қилади.



Сарвар УРМОНОВ (Ўза) олган сурат

Давлатимиз раҳбари жорий йил 28 январь кuni Ўзбекистон Болалар спортини ривожлантириш жамғармаси Ҳомийлик кенгашининг навбатдаги йиғилишида ёш авлоднинг жисмоний тарбия ва спорт билан шуғулланишига кенг имконият яратиш зарурлигини таъкидлар экан, қизларни спортга янада кенгроқ жалб этиш масаласига ҳам алоҳида эътибор қаратди.

Ана шундай эътибор ва ғамхўрлик туфайли мамлакатимизда спортга меҳр қўйган қизлар сафи тобора ортиб бормоқда. Улар орасида халқаро мусобақаларда иштирок этиб, Ватанимиз шарафини улуглаб келаётган ёш истеъдод соҳибалари жуда кўп. Зухра Умрзоқова шундай ёшлардан.

3.Умрзоқова бир неча йилдан буён

ўзбек жанг санъати билан шуғулланади. Ёш спортчи дастлаб туман, шаҳар мусобақаларида шохсупага кўтарилиди. Ютуқлари уни янада кўпроқ машқ қилиш ва яхши натижаларга эришишга ундади.

— Мамлакатимизда спортни ривожлантиришга қаратилаётган доимий эътибор туфайли оилаларда спортга бўлган муносабат тубдан ўзгариб, оналар фарзандининг жисмоний тарбия ва спорт билан шуғулланиши учун кенгроқ шароит яратишга интиломоқда, — дейди Зухранинг отаси Нурали ака. — Чунки фарзандларимизнинг ҳар жиҳатдан соғлом ва баркамол бўлиб вояга етишида спортнинг ўрни бекиёс. Қизимнинг соғлом ўсишида, ўз мақсади сари интилишида спорт катта

аҳамиятга эга.

2009 йили Тошкент вилояти Пискент туманида ўзбек жанг санъати бўйича ўтган вилоят очик чемпионатида иштирок этганида Зухра 9 ёшда эди. Ушбу турнир унинг илк мусобақаси бўлишига қарамасдан, мураббийларининг ишончини оқлади — биринчи ўринни эгаллади. Ўша йили мамлакат миқёсидаги мусобақаларда яна икки карра голиб бўлди.

— Яхши спортчи бўлиш учун тинимсиз меҳнат, ирода, сабр-бардош талаб этилади, — дейди унинг мураббийи Беҳзод Тўхтасинов. — Зухра ўзбек жанг санъати билан шуғулланишни бошлаганида машқларни бажаришга қийналарди. Лекин машғулотлар уни аста-секин дадиллаштирди, ўзига ишончини оширди. Мана, ҳозир у нуфузли мусобақаларда голиб бўлмоқда.

2011 йили ўзбек жанг санъати бўйича Ўзбекистон ўсмирлар терма жамоасига қабул қилинган Зухра шу йилнинг ўзидаёқ яккама-якка беллашув ва жамоавий комплекс машқларини бажаришда тўрт карра мамлакат чемпионлигини қўлга киритди. У 2013 йил сентябрь ойида Жанубий Кореянинг Чонгжу шаҳрида ўтган Бутунжаҳон шарқ яккакурашлари фестивалида Ўзбекистон ўсмирлар терма жамоаси сафида ўзбек жанг санъати бўйича маҳоратини намойиш этди. Дунёнинг қирққа яқин давлатидан спортчилар катнашган нуфузли фестивалда мамлакатимиз терма жамоасининг кучли учлиқдан жой олишида қаҳрамонимизнинг ҳам муносиб ҳиссаси бор.


Ана шу ютуқлари туфайли у Ўзбек жанг санъати федерацияси томонидан 2013 йилда «Йилнинг энг яхши спортчиси» дея эътироф этилди.

— Жорий йилги спорт мавсумида бизни янада жиддий мусобақалар кутиб турибди, — дейди З.Умрзоқова. — Ниятим, нуфузли халқаро турнирларда иштирок этиб, Ватанимиз шарафини муносиб ҳимоя қилиш.

**Даврон СУННАТОВ,
Ўза муҳбири**

АЛИШЕР НАВОИЙ ШЕЪРЛАРИ — ПОЛЬЯК ТИЛИДА

Буюк ўзбек шоири ва мутафаккири, давлат арбоби, илм-фан ва маданият, она тилимиз ва адабиётимиз ҳомийси бўлган Мир Алишер Навоий ҳазратлари халқимиз маънавий дунёсининг шаклланишига зоят кучли ва самарали таъсир кўрсатган улуг аждодларимиздан ҳисобланади. Президентимиз Ислоҳ Каримов таъбири билан айтганда, «Агар бу улуг зотни авлиё десак, у авлиёларнинг авлиёси, мутафаккир десак, мутафаккирларнинг мутафаккири, шоир десак, шоирларнинг султони дур».



Мустақиллик туфайли мамлакатимизда Алишер Навоий меросини ўрганишнинг кенг уфқлари очилди. Бугунги кунда Юртбошимиз ташаббуси ва раҳбарлигида шоирнинг хотирасини юксак даражада эъзозлашга ва моддий-маънавий меросини теран тарғиб этишга улкан эътибор қаратилмоқда. Кейинги йилларда Алишер Навоийнинг 10 ва 20 жилдли мукаммал асарлар тўпламлари нашр этилди. Навоий ҳаёти ва ижодига бағишлаб илмий монографиялар, адабий-бадиий китоблар, шунингдек, ҳайкал-тарошлар, рассомлар, бас-такорлар томонидан рангбаранг асарлар яратилди ҳамда яратилмоқда.

Шу билан бирга, янги давр воқелиги Алишер Навоийнинг халқимиз ва жаҳон маданияти, илм-фани ривожига қўшган улкан ҳиссасини янада кенг тарғиб этиш,

ул зотнинг ижоди ва маънавий меросини аслича, моҳиятини теран тушунган ҳолда тадқиқ, талқин ва тарғиб этиш борасида юзага келган имкониятлардан изчил ва самарали фойдаланишни тақозо этмоқда.

Бу бежиз эмас, албатта. Зотан, навоийшунос олимларимиз ҳақли эътироф этганларидек, Навоий мероси жаҳон адабиётининг намоёндалари Хомер ва Данте, Румий ва Ҳофиз, Шекспир ва Пушкин мерослари сингари улғудир. Шу боис ўз ҳаёти ва ижоди билан Машриқ Мағриб халқлари маданиятини ўзаро яқинлаштирган буюк шоир ва мутафаккирнинг ноёб асарларини дунёнинг турли тилларига таржима қилиш, нашр этиш, оммалаштириш, бу борадаги ҳар қандай хайрли ташаббусларни қўллаб-қувватлаш том маънода давр талабига айланди.

Бу ҳақда сўз юритганда,

яқинда Польшада Алишер Навоийнинг дилбар газалларидан бир туркуми ўзбек ва польяк тилларида алоҳида китоб ҳолида нашр этилгани эътиборга лойиқ маърифий воқеа бўлганини таъкидлаш лозим. Таниқли таржимон Януш Кжижовский тайёрлаган ушбу тўпламнинг биринчи нусхаси Алишер Навоий номидаги Ўзбекистон Миллий кутубхонасига тақдим этилди. Бу янги китоб ва, умуман, Навоий асарлари Польша Миллий кутубхонаси каталогидан жой олгани ҳам эътиборни тортади.

Буюк аждодимиз асарларининг польяк тилига таржималари муаллифи Я.Кжижовский ҳақида икки оғиз сўз: у Польша тиббиёт академиясида ва Варшава университетининг филология

факультетида таҳсил олган. Берлиндаги Гумбальдт университетида фан доктори илмий даражасини ёқлаган.

Буюк аждодларимиз бой маънавий меросини жаҳон миқёсида ўрганиш ҳақида сўз борганда, авваламбор, Алишер Навоийнинг ҳаёти ҳамда ижодий меросига қизиқиш ўз замонасидан бошланиб, бугунги кунгача сўнмай келаётгани, айниқса, мустақиллик йилларида тубдан кучайганини таъкидлаш жоиз. Бинобарин, бу улуг шоир жаҳон бадиий тафаккури тарихида ўз ўрни ва мақомига эга мумтоз ижодкор бўлиб, дунё бадиият хазинасига қўшган шоҳ асарлари ул зотнинг ўзига хос, бекиёс сўз санъаткори ва буюк мутафаккирлигидан яққол далолатдир.

Мухтасар айтганда, улғу ижодкор боболаримизнинг қалб гавҳари ва тафаккур дурдоналари бўлмиш боқий асарлари замонлар оша яшаб келаётган экан, бу буюк меросдан башар аҳлини қанчалик кўп бахраманд этсак, она сайёраимизда маънавиятни юксакликка кўтаришда, инсоний фазилатларни камол топтиришда шунчалик қудратли маърифий қуролга эга бўламиз.

Акмал САИДОВ,
профессор

Ҳисобот-сайлов конференциялари

МУНОСИБ

НОМЗОДГА ИШОНЧ

«Камолот» ёшлар ижтимоий ҳаракатининг туман ва шаҳар кенгашларида бўлиб ўтган VI ҳисобот-сайлов конференцияларида икки ярим йиллик фаолият сарҳисоб қилиниб, олдинда турган долзарб вазифалар, амалга оширилиши лозим бўлган ишлар, келгусидаги мақсад, вазифа ва режалар белгилаб олинди.

«Бугун мен жамиятда ёшларнинг ўз ўрнини топиб кета олиши учун нима иш қилдим? Ўз-ўзимни тафтиш қила олаяпманми? Зиммамга юклатилган вазифага панжа ортидан қарамаяпманми?» деган савол ҳеч бир «Камолот»чини тарқ этмаслиги керак. Зеро, ҳисобот-сайлов конференцияларида кўриладиган масалалар моҳияти ҳам шундан иборат.

Узоқ йиллар давомида Ҳаракатнинг Бухоро вилояти кенгашида намуна бўлиб келган Бухоро шаҳар кенгашининг кейинги йиллардаги фаолияти бироз сусайиб қолганлиги VI ҳисобот-сайлов конференциясида қайд этилди. Ўтган икки ярим йил мобайнида ташкилот эришган муваффақиятлар қаторида фаолиятни самарали юритишда имконият ва шароитлар бўла туриб, унда ўсиш ва силжишлар кузатилмагани таъкидланди. VI ҳисобот-сайлов конференцияси ёшлар талаби ва эҳтиёжи йўлида кураша оладиган фаол, дадил ва билимли, мустақам иродага эга етакчи раҳбар зарурлигини тақозо этди. Бухоро шаҳар ёшлари Нодир Солиҳовни Ҳаракатнинг Бухоро шаҳар кенгаши раиси этиб сайладилар.

Лайло ХАЙИТОВА,
«Turkiston» муҳбири

«Kamolot» ko'zgusi

Мини футбол жиззахлик тенгдошларимизнинг севимли спорт турларидан бири. Буни яқинда қатор ҳамкор ташкилотлар биргаликда ўтказган «Ҳамкорлик кубоги» мусобақасидан ҳам билиш мумкин.

КУБОК «РАВАЛЛИҚ» ЖАМОАСИДА

Бу йил иккинчи маротаба ташкиллаштирилган «Ҳамкорлик кубоги» мусобақасида корхона, ташкилот, муассаса ҳамда маҳалла ёшларидан иборат 24 та жамоа голиблик учун кураш олиб борди.

Мусобақани кузатиб борган мутахассисларнинг айтишича, деярли барча жамоаларнинг кучлари тенг. Финалга эса фақатгина омадлилар етиб келди. Учинчи ўрин учун кечган ўйинда «ЕвроАзияКарпет» жамоаси «Янгиобод» ҳаваскор футболчиларидан устун келди.

Финал эса, одатдагидек, кўпнинг эътиборида бўлди. Унда Жиззах туман маиший хизмат кўрсатиш касб-хунар коллежи жамоаси «Раваллиқ» маҳалласи жамоасига қарши майдонга тушди. Кутилганидек қизгин кечган учрашувда «Раваллиқ» жамоаси ғалаба қозониб, бош совринни қўлга киритди.

Мусобақа якунида голиб ва совриндорлар, ўз иқтидорини намоён қила олган ҳаваскор футболчилар ва мураббийлар турли номинациялар бўйича тақдирланди.

Дилшод ЭРГАШЕВ,
«Камолот» ЁИХ Жиззах вилояти кенгаши
етакчи мутахассиси

Hududlardan mujdalar

ЖИЗЗАХ ВИЛОЯТИ

Дўстлик туманидаги 1-мактабда «Камолот» шахмат тахта-си» мусобақасининг туман босқичи бўлиб ўтди.

Ҳаракатнинг Дўстлик тумани кенгаши ҳамда болалар ва ўсмирлар спорт мактаби ҳамкорлигида ўтказилган мусобақада иқтидорли шахматчилар баҳс олиб борди. Якуний натижаларга кўра, Хусан Норбоев, Улғубек Мусоқулов, Жавлон Тинчликов ўз ёш тоифалари бўйича энг кучли деб топилди. Эндиликда голиб ва совриндорлар вилоят босқичида ўз имкониятларини синаб кўришади.

НАВОИЙ ВИЛОЯТИ

Зарафшон шаҳридаги «Олтин водий» маданият уйида QvZ.uz марказий лигаси «Биз бир оиламиз» шиори остида 3-мавсумини бошлади.

Кулги ва қувонч улашувчи, қолаверса, ўзининг ажойиб чиқишлари билан ёшлар олқишига сазовор бўлиб келаётган ушбу лиганинг навбатдаги мавсумида иштирок этиш учун ўнта жамоа саралаб олинди. Жумладан, «Зўр-зўр», «Оригинал», «Респект», «Мегапиксел», «Онлайн», «Статус», «Марказ», «Универсал», «Беш бармоқ» ва 2-мавсум чемпиони «Лидер» ҳамда 1-мавсум чемпионлари «Гап йўқ» ва «LG» жамоалари бир-биридан қизиқарли сахна чиқишлари билан йиғилганларни хурсанд қилди.

БУХОРО ВИЛОЯТИ

Когон шаҳар ҳокимлигида «Камолот» — бирдамликка кўмакчи!» шиори остида «Камолот» — ЭКО» лойиҳаси доирасидаги «Камолот» болалари меҳр-саховат сари!» ойлиги голибларини тақдирлаш маросими бўлиб ўтди.

2013 йилнинг 10 декабрдан шу йилнинг 20 январига қадар давом этган «Камолот» болалари меҳр-саховат сари!» ойлиги давомида сардорлар кенгаши аъзолари ўз худудидаги ногирон, боқувчисини йўқотган, яқка-ёлғиз хонадон эгалари ҳамда уруш фахрийлари ҳолидан хабар олиб, уларнинг уй ва томорқа ишларида кўмаклашди. Ойлик давомида 15 маротаба хайрия тадбирлари ташкил этилди. Тақдирлаш маросимида мактаблардаги сардорлар кенгаши аъзоларининг етмиш нафари диплом ва эсдалик совғалар билан тақдирланди.

УСТЮРТ ХАЗИНАСИ

Бир пайтлар Устюрт биз учун сирли, халқ ибораси билан айтганда, тўнқарилган қозон эди. Ундаги асрлар давомида мудраб ётган сир-синоатдан кўпчилик беҳабар, чўл ҳам уятчан келинчақдек чиройи, жозибасини кўз-кўз қилмасди. Шу боис Устюрт ер қаъридан маъдан изловчи геологлару насибаси саҳрога сочилган кийикларнинг макони бўлган. Одам юрса оёғи, қуш учса қаноти куйган.

Бундан бир неча йил олдин Оқчўлоқ деган манзилда нефть булоғи қайнаб чиқди.

Устюртнинг хазиналар яширин дарвозасига калит солинди. Кимлардир хурсанд бўлди, кимлардир ҳадиксиради. Негаки, Устюрт Саҳрои кабир сингари жиловланмас, инсон иродасига бўйсунмасдек туюлар, халқ тилидаги «Борса келмас» номининг ўзиёқ кўпчилик юрагига ғулғула солар эди.

— Борса келмасда ганжина бор, қизим. Бироқ у ёққа бандаси яқинлаша олмайди, — дерди отам. — Эртақлардагина эмас, ҳаётда ҳам не-не алплар у ердан қайтиб келмаган. Улар туз ғорларига тушиб, ном-нишонсиз кетишган.

Афсоналар эл оғзидан тушмасди. Нефть ҳақидаги хушхабар юртга ёйилгач, хазиналар ўз сирини очди. Аввалги ҳадик юракни батамом тарк этди. Унинг ўрнини энди хурсандчилик, келаятган яхши кунларнинг қувончи эгаллади.

Мана, бугун Устюртда қайноқ ҳаёт ҳукмрон. У ўз хазинасини қизганмай, бу ерликлар билан баҳам кўрмоқда, ўзининг газ, туз, нефть конларини эл-юрт фаровонлиги учун ҳада этмоқда. Бунга жавобан қўли гул уртдошларимиз энди асрий уйқудан уйғонган Устюртни гўзал ва бетакрор масканга айлантормоқдалар.

Бугун Қўнғиротга келган меҳмон қачонлардир бу жойлар саҳро бўлганига ҳеч ишонмайди.

ЖАМОЛИНГДАН АЙЛАНАЙ

Қўнғирот Қорақалпоғистоннинг қадимий туманларидан бири. Бу ерда XV-XVI асрларда ҳарбий истеҳком бўлган «Эсон-1», «Эсон-2» қўрғонларининг харобалари мавжуд. Туманда деҳқончилик, чорвачилик, балиқчилик, саноат маҳсулотларини ишлаб чиқариш яхши ривожланган. Ҳафтада икки кун бу ерда дўтор навосига монанд поезд «Гудог» чалинади. Қўнғиротга поезд келди. Вагонларда келган шаҳар шуқуҳи, ту-

мандаги ҳаётни янада жонлантириб юборади.

— Сода заводимиз Қўнғирот темир йўл вокзалидан қирқ чақирим олисда, Элобод деган жойда, — дейди заводнинг ишлаб чиқариш бўлими бошлиғи Аҳмад Бегдуллаев. — Марказий Осиёда ягона бўлган гигант заводнинг шаҳарда ёки сўлим жойда эмас, кенгликларда қад кўтарганини кўриб, ҳали кўзларингизга ишонмай-сиз...

Менга йўл бошловчилик қилаётган Аҳмад оға гапга чечан, оққўнғил одам экан. Завод ҳақида тинмай гапирди. Мақтовларни эшитиб, чўлда қурилган баҳайбат заводни ҳеч кўз олдимга келтира олмай, қорақалпоқ элининг бир хазили эмасми бу, деган хаёлга ҳам бордим.

Элобод, айтганларича, чиройли, мўъжазгина овул экан. Аҳмад оға йўл-йўлакай замонавий, икки қаватли 52-мактабни, Қўнғирот кимё-саноат коллежини, ўттизта намунавий лойиҳалар асосида бунёд этилган уй-жойни кўрсатди. Аллақачон шаҳар қиёфасига кириб, замон билан одимлаётган Элободнинг бугунги манзарасини кўриб, ҳайратимга ҳайрат қўшилди.

Бир пайт «Элобод савдо» дўконининг ёнидан ўтиб кетаётувдик, бир оқсоқол Аҳмад оғани тўхтатди:

— Бери кел, болам!

Аҳмад аканинг айтишича, саксон ёшли бу отахон Бахтиёр Бектурсунов экан. У ҳар кун шу ерда ўтириб, Элободни томоша қилишни яхши кўрар, ўтган-кетганни бир чимдим гурунга чорлар экан.

— Заминни боққа айлантираётган болаларимга минг раҳмат, — деди у гап орасида. — Қизим, Элободимнинг чиройи ҳали сенинг Тошкентингдан қолишмайди.

Самимий суҳбатдан кайфиятимиз кўтарилди. Содан заводни чиндан ҳам баҳайбат, қайноқ меҳнатнинг маскани экан. Бахтиёр бобо бежиз «жамолингдан айланай, Элободим» демас экан-да.



ТОШ ҲАМ ГУЛЛАЙДИ

Завод дарвозасидан ичкарилаймиз. Занжирдек бир-бирига уланган ускуналар, трубалар, уйлар ақлни шошириб қўйди. Гуриллаган машина, тракторларнинг кети узилмади.

— Заводда кальцийланган сода, ош тузи, каустик сода, оҳак ишлаб чиқарилади, — дейди «Қўнғирот сода заводи» унитар корхонаси бош директори Рашид Якубов.

Рашид оға заводнинг хомашё базаси бўлмиш «Жамансай» оҳактош карьерни қувватининг 244 минг тоннадан 409 минг тоннага, «Борса келмас» туз кони қувватининг 332 минг тоннадан 470 минг тоннага кўпайтирилмоқчи эканини айтди.

Сўнгра у мени заводнинг ўн бешта ёрдамчи ва инфратузилма объектлари бўйича лойиҳалаш ишлари тугатилиб, қурилиш-монтаж ишлари кетаётган бинолар билан таништирди. Техник туз, аммиак ва оҳактош омборларида қурилиш ишлари якунланган экан. Дистилле-ропровод, газ таъминоти ҳамда маиший биноларда эса ҳали таъмирлаш ишлари давом этмоқда.

— Заводимиз кенгайиб бормоқда, — дейди унитар корхона бош муҳандиси Нурлан Бурашев. — 2013-2015 йилларда бешта янги йирик лойиҳани амалга оширмоқчимиз. Тикувчилик цехи, йодланган ош тузи, гиперпрессланган гишт ҳамда оҳак, шиша идишларни ишлаб чиқаришни ташкил этиш режамиз бор...

«Қўнғирот сода заводи» унитар корхонасида ўнта боғ бор экан. Улардаги уч минг туп мевали дарахтни кўриб, бу ерлик меҳнаткашларнинг жасорати, интилишига балли, дедик. Бу ерларда унмайди, фақат шаҳарда ўсади, дейишган арчаларни ҳам ўз кўзимиз билан кўрдик. Ва амин бўлдики, одамига учраса, кенгликларда тошлар ҳам гуллар экан.

Эртасига «Қўнғирот сода заводи» унитар корхонасининг «Борса келмас» туз участкасига йўл олдик. У ерда Хитойнинг «Чжуонхон» компанияси ходимлари бурғулаш ишларини бажарётган экан.

— Бунақа заводларни Австрия, Швецияда ҳам курганмиз. Аммо Қўнғиротдагиси бошқача, — дейди «Чжуонхон» компанияси ходими Чюнь Ил Хюнь.

Худди шу пайт шимолдан келган шамол ердаги қумлар билан ўйнади. Жавлон уриб ишлаётган меҳнаткашлар бунга парво қилмай, ишни тўхтатмади. Бироздан сўнг шошалоқ шамол яна узоқларга жўнаб кетди.

«Қўнғирот сода заводи» унитар корхонаси Қорақалпоғистондаги йирик саноат иншооти. Завод каустик содалари билан жаҳон бозорига чиқаяпти. Мўйноқ ва Қўнғирот аҳолиси учун 1386 та янги иш ўрни яратилган.

Заводдан узоқлашаётган, яна Бахтиёр оғани учратдик. Бу сафар оға бизга эътибор бермади, уфққа бош қўяётган қуёшга кўзини тикканча, нималарнидир ўйларди. Унинг ўйлари ўтмиш, бугун ва келажак ҳалқаларига улангандай эди.

ХУЛОСА ЎРНИДА...

Мақолани ўқиётган, юртимизнинг учеккасидаги сода заводининг бизга нима дахли бор, деяётгандирсиз. Эътиборли ўқувчи завод билан ҳаётнинг чамбарчас боғлиқлигини дарров англаб етади. Гап шундаки, қаҳратон қиш кунлари бизнинг бемалол ўқишимиз, меҳнат қилишимиз учун уйлари-римишни иситиб бераётган табиий газлар ўша, сизга дахли йўқдек туюлган томонлардан ҳам келади...

Шунинг учун заводдаги янгилинишлар бизнинг фаровон турмушимиз билан занжирдек туташади.

Кумар БЕГНИЯЗОВА,
«Turkiston» мухбири

2014-yil — Sog'lom bola yili

Ўтган йили Қашқадарё вилоятида 890 минг нафардан зиёд бола полиомиелит, вирусли гепатитнинг «В» формаси, сил, дифтерия, қоқшол, кўкйўтал, гемофиль инфекцияси, қизамик, қизилча каби касалликларга қарши эмланди.

СОҒЛОМ БОЛАДА — ПОРЛАР КЕЛАЖАК

Аҳолининг овқатланиш сифатини яхшилаш, микронутриент моддалар етишмовчилигининг профилактикаси мақсадида вилоятдаги «Дунё-М», «Қашқадарё-дон маҳсулотлари» ОАЖ, «Косон дон маҳсулотларини қабул қилиш маскани» ва унинг «Фузор» филиали, «Халқ ризқи» корхоналарида биринчи навли буғдой уни минерал элемент ва витаминга тўйинтирилиб, истеъмолга чиқарилмоқда.

Давлат санитария эпидемиология назорати хизмати томонидан корхоналарда ишлаб чиқарилган фортификацияланган уннинг сифати лаборатория текширувидан ўтказиб борилди. Олинган 18 та намунанинг еттитасида минерал элементлар ва витаминлар миқдори белгиланган меъёрдан кам эканлиги аниқланиб, ишлаб чиқарувчи корхоналар раҳбарларига тақдимнома киритилди.

Вилоятда йодланган ош тузининг сифати ҳам назоратга олинган. Худуд аҳолисининг ош тузига бўлган бир кунлик эҳтиёжи 43071 килограмм. Бугунги кунда республикамиздаги ўн битта корхонада йодланган ош тузи ишлаб чиқарилмоқда. Қашқадарё аҳолисининг маҳсулотга бўлган эҳтиёжини таъминлаш мақсадида йодланган ош тузи Қорақалпоғистон Республикаси, Сурхондарё ва Навоий вилоятларидан шартнома асосида олиб келиниб, қадоқланиб савдога чиқарилмоқда.

Ўтган йили 1833 та ош тузи намунаси ўрганиб чиқилган эди. 816 та намунанинг таркибида йод миқдори белгиланган меъёрдан паст эканлиги аниқланган. Хусусан, Сурхондарё вилоятидаги «Хўжайкон туз» МЧЖ, Шеробод туманидаги «Муштарий бону-нилуфар-файз», Китоб туманидаги «Ражабов Фаррух-жон», Қарши туманидаги «Мўмин соф сифат», Фузор туманидаги «Офарин» хусусий корхоналари ишлаб чиқарган ош тузи таркибида йод миқдори меъёрдан 3-4 баравар кам бўлиб чиқди.

Ўтган йили Қарши шаҳридаги «Тиссот-люкс» корхонасида ош тузини қўшимча йодлаш йўлга қўйилиб, ҳозирги кунда бу ерда суткасига 400-500 килограмм ош тузи қайта йодланмоқда. Ўз навбатида, тайёр маҳсулот лаборатория текширувидан ўтказиб борилмоқда.

Ўтган давр мобайнида вилоятда, шунингдек, 1084 маротаба сут ва сут маҳсулотлари, 187 маротаба пахта ёғи, 2527 маротаба полиз экинлари ва сабзавотлар лаборатория текширувларидан ўтказилди.

Озик-овқат маҳсулотларининг сифати ва хавфсизлиги бўйича аниқроқ таҳлилларга эришиш мақсадида давлат санитария-эпидемиология назорати маркази (ДСЭНМ) лабораториялари замонавий асбоб-ускуналар билан жиҳозланди. 2013 йилда марказ мутахассислари таълим муассасаларида 484 ва ишлаб чиқариш корхоналарида 1971 маротаба текширув олиб борди.

«Соғлом бола йили»да давлат санитария эпидемиология назорати хизмати юқоридаги тадбирларни давом эттирибгина қолмай, болаларда санитария маданиятини оширишга қаратилган кўплаб тадбирларни амалга оширишни ҳам мақсад қилган.

Дилшод КАРИМОВ,
Қашқадарё вилоят давлат санитария-эпидемиология назорати маркази бош врачлари ўринбосари.
Шавкат КАРОМОВ,
«Turkiston» мухбири.

ЁРУФ КЕЛАЖАК АСОСИ

Мамлакатнинг бойлиги нимада, деган саволга турлича жавоб бериш мумкин. Кимдир ҳарбий салоҳият, бошқа биров ер ости бойликларини биринчи ўринга қўяр, эҳтимол. Лекин ҳаётда энг олий қадрият — инсон ҳаёти, унинг саломатлиги. Демак, порлоқ келажакка интилувчи юрт, аввало, фарзандларининг саломатлиги учун қайғуради.

«Соғлом авлодни тарбиялаш — буюк давлат пойдеворини, фаровон ҳаёт асосини куриш деганидир». Истиклолнинг илк йилларида Юртбошимиз шу фикрни илгари сурган эди. Соғлом ва демакки, баркамол авлод орзуси шунчаки орзу бўлиб қолмади. Бугун у рўёбга чиқмоқда. 2010 йилда юртимизда мутлақо соғлом болалар кўрсаткичи 62,6 фоизга етди. Шунингдек, 1990 йилга нисбатан гўдаклар ўлими 3,2, оналар ўлими 3,1 бараварга қисқарди. Ваҳоланки, мустақилликдан олдин мамлакатимизда оналар ва болалар саломатлиги асло ҳавас қиларли даражада эмасди.

Боланинг соғлом бўлиб ўсиши кўп омилларга боғлиқ. Спорт асосий ўринда туради. Жорий йилнинг 28 январь кунини Президентимиз Ислам Каримов раислигида Ўзбекистон Болалар спортини ривожлантириш жамғармаси Ҳомийлик кенгашининг навбатдаги йиғилиши бўлиб ўтди. Йиғилишда жамғарманинг ўтган йил бир

йиллик фаолияти таҳлил этилиб, натижа ва рақамлар сарҳисоб қилинди. Рақамлар эса кишини кувонтиради. Масалан, 2013 йилда республика-мизда 113 та спорт объекти курилиб, фойдаланишга топширилди. Барча қулайлик ва шароитларга эга бундай иншоотлар — замонавий спорт мажмуалари, сузиш ҳавзалари, болалар спорт мактабларини ҳозир ҳар бир қишлоқ ва шаҳарда кўплаб учратасиз. Барчаси йигит-қизлар билан гавжум. Дарвоқе, яна бир муҳим маълумот: бугун мамлакатимизда икки миллионга яқин бола спортнинг ўттиздан зиёд тури билан мунтазам шуғулланмоқда. Уларнинг 842 минг нафарга яқини қизлар. Бу қоракўзлар машғулотларда жисмонан чиниқлиш ва соғлигини мустаҳкамлаш билан бирга, уларда ирода, сабр, матонат каби юксак фазилатлар ҳам камол топмоқда.

Спорт — тарбия воситаси. Юртимизда болалар спорт таълим-тарбия соҳасининг уз-



вий қисмига айлангани ҳам бежиз эмас. Таълим муассасаларида ёшлар жисмоний тарбия дарсларидан ташқари, ўқишдан бўш вақтида спорт тўғрақлари ёки секцияларга қатнашишлари мумкин. Эътиборлиси шундаки, халқаро спорт мусобақалари, жаҳон ва қитъа биринчиликлари, йирик турнирлар ҳамда олимпиадаларда Ватанимиз шаънини ҳимоя қила оладиган профессионал спортчилар айнан таълим босқичларида етишиб чиқмоқда. Ёшларни спортга кенг жалб этиш ва бўлғуси чемпионларни тарбиялашда жаҳонда ўхшаши йўқ деб тан олинган уч босқичли спорт тизими — «Умидниҳоллари», «Баркамол авлод» ва Универсиада спорт ўйинларининг ўрни бекиёс. Ушбу тизимга мактаб, академик лицей ва касб-ҳунар коллежлари ўқувчилари ҳамда олий таъ-

лим муассасалари талабалари қамраб олиниб, ёш спортчиларга бор иқтидор ва маҳоратини намоеън этиш имконияти яратилмоқда. Бугун номлари жаҳонга машҳур Ришод Собиров, Сарвиноз Қурбонбоева, Севара Қодирова сингари кўплаб тенгдошларимиз айнан шу мусобақаларда кашф қилинганини барчамиз яхши биламиз, албатта.

Ҳарқалай, бугун Ўзбекистон болалар спортининг ёрқин юлдузлари ҳақида ҳам фахр билан гапириш мумкин. Ҳали ўқувчи бўлатуриб катта-катта мусобақаларда ғалаба қозонаётган, юртимиз довуғини жаҳонга танитаётган бу ўғил-қизларга ким ҳам ҳавас қилмайди, дейсиз? Улар юртининг чинакам ифтихори, ғуруридир. Газетамизнинг ўтган сонидан ана шундай иқтидорли, ёш спортчиларнинг номлари эълон қилинди. Зотан, бу

ёшларни ҳар биримиз билишимиз, танишимиз керак.

«Болалар спорт объектиларини куриш ҳеч қачон тўхтамайди. Бу борадаги ишлар изчил давом эттирилади. Азиз болаларимиз камол топадиган бу мажмуаларни шундай чиройли ва мустаҳкам этиб курайликки, бу биздан ўзига хос бир эсдалик, уларга меҳримизнинг бир ифодаси бўлсин», — деди давлатимиз раҳбари. Бу сўзларни Президентимиз ишонч ва меҳр билан айтди. Токи, миллат, жамият ва ҳар иккисининг мустаҳкам асоси ҳисобланувчи оила, асосийси, шу юрт фарзандлари — болаларнинг саломатлиги учун қайғурадиган давлатимиз бор экан, келажакимиз порлоқ бўлишига шубҳа йўқ.

Наргиза УМАРОВА,
«Turkiston» мухбири

«Barkamol avlod — 2014»

ЮКСАК МАРРАЛАРНИ КЎЗЛАЁТГАНЛАР

Бу йил юртимиз спортсевар ёшларининг яна бир севимли анжумани — «Баркамол авлод — 2014» спорт ўйинлари бўлиб ўтади. Ёшлик, дўстлик ва гўзаллик тантана қиладиган мазкур спорт ўйинларининг мезбони Наманган шаҳридир.

Бугун Наманган вилоятида бунёдкорлик ишлари авжида. Мусобақалар ўтказиладиган спорт мажмуалари, стадионлар, ўқувчи-ёшлар ва уларнинг мураббийлари жойлашадиган меҳмонхоналарда катта ҳозирлик кўрилмоқда.

Албатта, спорт ўйинларининг кўнгилдагидек ўтиши учун ташкилий ишларнинг тўғри йўлга қўйилиши катта аҳамиятга эга. Лекин шу билан бирга иштирок этадиган спортчи-ўқувчиларнинг ҳам тайёргарлиги мусобақаларнинг қизиқарли ва чиройли ўтишида асосий омиллардан саналади. Ҳўш, спорт ўйинларида ҳаммиша олдинги ўринлар учун курашадиган, истеъдодли спортчиларга бой Қашқадарё

вилоятида бу борадаги ишлар қандай?

Аввало, бир янгилик хусусида. Бу йил «Баркамол авлод» спорт ўйинлари дастурида катта ўзгариш бор. Энди иштирокчилар олдингидек 12 та эмас, 16 та спорт тури бўйича ўз иқтидорларини намойиш этади. Бу спорт турларининг барчаси Олимпиада ва Осиё ўйинлари дастурига киритилгани эътиборлидир. Мақсад, фақатгина мазкур спорт ўйинларининг томошабоплигини янада ошириш эмас. Мақсад — бу каби мусобақалар орқали қобилиятли спортчиларни қитъа ва жаҳон чемпионатлари, Олимпиада ва Осиё ўйинларига босқичма-босқич тайёрлаб бориш. Зўрлар орасидан зўрларни танлаб,

саралаш.

— Бу йилги «Баркамол авлод» спорт ўйинларига олти янги спорт тури киритилди, — дейди Қашқадарё вилоят ўрта махсус, касб-ҳунар таълими бошқарма бошлиғи Зафар Қобилов. — Улар бокс, таэквондо, дзюдо, эркин ва юнорум кураши ҳамда оғир атлетика. Ёшлар орасидан мазкур спорт турлари бўйича иқтидорлилар саралаб олинди. Улар орасида умидли спортчиларимиз талайгина. Биз ёшларимизнинг ўзларига билдирилган ишонччи оқлаб, албатта, медаллар билан қайтишларига умид қиламиз. Сараланган спортчилар кунига икки маҳалдан машғул олиб бораёпти. Улар аввалига жисмоний, кейин тактик машқларни бажаришади. Мураббийларимиз ва ёшларимизнинг шаштлари баланд. Бу мусобақаларга тайёргарликдан ҳам кўриниб турибди. Қолаверса, бу сафар вилоятимиз вакилларининг янги спорт турлари бўйича янги қирраларини кашф этишимизга шубҳа йўқ.

Зафар Қобиловнинг айтишича, шунингдек, футбол, волейбол, енгил атлетика, таэквондо бўйича ҳам юқори натижаларни қайд этиш мўлжалланмоқда.

КУЧЛИЛАР САРАЛАНДИ

Ўтган йилнинг сўнгги ойларида, аниқроғи, 29 ноябрдан 3 декабрга қадар Қарши шаҳрида мусобақаларнинг вилоят саралаш босқичи ўтказилди. Унда 1285 нафар спортчи ўқувчи иштирок этди. Натижаларга қараб, вилоят терма жамоаси шакллантирилди.

Айни пайтда саралаб олинган 180 нафар спортчи «Баркамол авлод»нинг Наманганда ўтказиладиган финал босқичига жадал тайёргарлик кўраётир. Масалан, вилоят футбол терма жамоаси бу борада анча фаол. Ёш футболчи ўқувчилар ўз имкониятларини Қашқадарё вилояти ҳокими кубоги учун мусобақада синаб кўрди. Вилоят маданият ва спорт ишлари бошқармаси бошлиғи Зокир Аҳмедовнинг маълум қилишича, улар пух-

та ҳозирлик кўра олса, финал босқичида ҳам юқори ўринлар учун бе-малол курашишлари мумкин.

— Ўйинларни кузатиб, ёшлар орасида истеъдодли футболчиларимиз кўплигига ишонч ҳосил қилдик, — дейди Зокир Аҳмедов. — Албатта, асосий мақсад фақат совриндор бўлиш эмас. Буни спортчиларимиз ва уларнинг мураббийлари ҳам яхши билишади. Мақсад, бу каби спорт тадбирлари воситасида ёшларимизнинг бирдамлик, ғайрат-шижоатлик, курашувчанлик фазилатларини ривожлантириш, мустаҳкам иродани шакллантиришдир.

«Баркамол авлод» спорт ўйинларида иштирок этадиган ёшлар орасида профессионал спортчилар ҳам бор. Масалан, Қашқадарё вилояти спортчи ўқувчиларидан иборат волейбол жамоаси таркибидаги бир қатор ўйинчилар мамлакат чемпионатида қатнашадиган ёшлардир.

— Волейбол бўйича ўсмирлар ва қизлар жа-

моалари мамлакат чемпионати биринчи лигасида қатнашяпти, — дейди мураббий, вилоят волейбол федерацияси ижрочи директори Акмал Амонов. — Ноябрь ойида Қаршида ўтказилган 1-тур учрашувларида ўсмирларимиз 7 очко жамғаришди ва учинчи ўриндан жой олишди. Қарши олимпия захиралари спорт коллежи ўқувчиси Сухроб Холбоев 1995-1996 йилларда туғилган волейболчилардан иборат мамлакат терма жамоасига қабул қилинди. Қизлар гарчи дастлабки турда ишончли ўйин кўрсата олмаган бўлсалар-да, озми-кўпми, тажриба орттирдилар.

Бугунги кун ёшлари интилувчан. Улар янги-янги марраларни забт этишлари учун имконият ва салоҳиятлари етарли. Олимпиада учун трамплин вазифасини ўтайдиган «Баркамол авлод» спорт ўйинлари эса ана шундай интилувчан ёшларни юксак марралар сари бошлади.

Шавкат КАРОМОВ,
«Turkiston» мухбири

Yurt sarhadlarida

Истиқлол йилларида бошқа соҳаларда бўлгани каби божхона хизмати ҳам замонавий, тезкор ва халқаро талабларга мос тарзда шаклланиб, унинг сафлари ҳар томонлама етук кадрлар билан тўлдирилди.

БУРЧГА МАСЪУЛЛИК

Мамлакатимиз чегаралари орқали кириб келаётган йўловчи ва юкларни назоратдан ўтказиш, уларни ҳуқуқий расмийлаштириш, хорижга кетаётган фуқароларга ҳам божхона назоратида хизмат кўрсатиш соҳа ходимларидан фидойиликни талаб этади.

Божхона ходими хизмат давомида турли инсонлар билан мулоқотга киришади ва табиийки, жамоатчилик диққат марказида бўлади. Бундан ташқари, баъзида айланма йўллар орқали ноқонуний юкларни олиб киришга уринишлар бўлган чоғда қонуний чоралар кўриш соҳа вакилларида доимо ҳушёрликни талаб қилиши сир эмас. Юртимизга турли фарзандли мақсадларда кириб келаётган фуқаролар ёки хорижда ишлаб чиқарилган сифатсиз маҳсулотларни тўхтатиб қолиш божхоначилардан нафақат сергаклик, шу билан бирга янгиликлардан бохабарликни талаб этади. Фуқаролар билан муносабатда юксак муомала маданиятига риоя қилиш божхона хизмати вакилларида асосий бурчларидандир.

Тизимда кадрларни ватанпарварлик ва мустақиллик ғоялари, юксак маънавий қадриятларга садоқат руҳида тарбиялаш, ходимларнинг касбий маҳорати ва малакасини, жанговар ва жисмоний тайёргарлигини такомиллаштиришга қаратилган доимий тадбирлар ташкил қилишга алоҳида эътибор қаратилмоқда. Ўзбекистон Республикаси Президентининг 2011 йил 10 августда қабул қилинган «Давлат божхона органлари хизмати фаолиятини янада такомиллаштириш ва самарадорлигини ошириш борасидаги чора-тадбирлар тўғрисида»ги қарори божхона органлари фаолиятини тубдан ўзгартириш, хизматни қайтадан ташкил этиш, айниқса, бу хизматга юксак маданиятли, маънавий етук, ўз касби, бурчига садоқатли, жасур, жисмонан соғлом ва бақувват, ўз қасамёдида содиқ инсонларни қабул қилиш, уларни шу руҳда тарбиялаш вазифасини юклайди.

**Бахтиёр АКРАМХОДЖАЕВ,
Олий ҳарбий божхона институти катта ўқитувчиси**

ИЛОН СИРЛИ МАВЖУДОТМИ?

«Илон» деган сўз қулогимизга совуқ эшитилади. Қизик, ҳаёти давомида бирор марта унинг ўзига дуч келмаган, бошқача айтганда, «тириги» билан ҳеч юзма-юз бўлмаган одам ҳам номини эшитганда бир сесканиди. Нега?


Гап шундаки, болаликдан қулогимизга бу жонивор тўғрисида салбий гаплар қуйилади. Аслида ўша гапларнинг барчасини нотўғри дейиш қийин, ҳа, чиндан ҳам илон совуқ жонивор. У ҳақдаги «миш-миш» гапларнинг тагида кўпинча асос ҳам бўлади. Масалан, айтишларича, у одамни гипноз ҳолатига тушириб қўяр экан. Бу рост. Хусусан, одам ёлғиз ҳолда йирик илонга тўқнаш келганда бир муддат нима қилишини билмай қолиши мумкин, бунга мисоллар кўп. Бироқ у ҳақидаги «сирли жонивор» деган таъриф ҳам ишлатилмадики, бу ҳақиқатдан кўра, кишиларнинг асрлар давомида илонлар ҳақидаги афсонага йўғрилган тавсифларига ўхшаб кетади.

Илм-фан ривожланиб боргани сайин бутун борлиқ, табиат, жумладан, унинг бир бўлаги ҳисобланган ҳайвонот олами ҳам ўрганилиб бормоқда. Жонкуяр олимлар, тадқиқотчиларнинг меҳнатлари самараси ўлароқ, бугун ҳайвонот ва наботот оламидаги кўп сирлар очил-

моқда. Асрлар давомида инсониятга жумбоқ бўлиб келган илонларнинг сирли олами ҳақида ҳам бугун кўп нарсалар бизга маълум.

Дарвоқе, бу жониворнинг сирли деб ҳисобланган хусусиятларидан бири шуки, у сувда, қуруқликда, ботқоқликда, вайронларда, ер остида, тоғларда, чўлларда, хуллас, барча жойда учраганидир. Қолаверса, илонлар кеч куздан бошлаб, қиш, баҳор ойларида ҳам одамзотга кўринмайди, яъни уйқуда бўлади. Қуёш тафти анча билиниб, кунлар илиб қолгачгина уларнинг пайдо бўлиб қолиши кўпчиликка ғайриоддий ҳодиса бўлиб туюлган.

«Тушда илон кўрса, душмани бўлармиш», «илонни ўлдирса, ундоқ бўлармиш», «илон бор жойда хазина бўлади» ёки аксинча, «хазина бор ерда илон бўлади», «жуфт илонни кўрган хотин эгиз фарзанд кўрармиш» деганга ўхшаш чўпчакнамо гапларнинг кўпчилиги онгига сингиб кетганига сабаблар-



дан бири ҳам шу, илоннинг «сирли жонивор» эканига ишонишдан бўлса керак.

Замонавий илм-фан эса шуни кўрсатмоқдаки, илон ҳам бошқа жониворлар қатори бир жонивор. Зараркунандалиги бор, ундан моли ва жони зиён кўрган одамлар ҳам кўп. Лекин бу каби фактларнинг ҳеч бири илоннинг сирли ва ёвуз мавжудот экани ҳақида тўла хулоса чиқаришга асос бўлолмайди.

Инсон ва табиат. Бу икки тушунча луғатларда икки хил таърифланади. Чунки улар мутлақо бошқа-бошқа

сўзлар. Лекин бир-бирининг «сирли жонивор» эканига ишонишдан бўлса керак. Факат бир ҳақиқат борки, уни биз, ёшлар ҳамиша ёдда тутмоғимиз шарт, токи, келгусида хатога йўл қўймайлик. Табиатни севиш, ундаги неъматларни қадрлаш, асраб-авайлаш, ҳайвонот ва наботот оламига тажовуз қилмаслик, уларни-да асрай билиш инсониятнинг бурчи. Бурчга эса хиёнат қилмайдилар.

**Наргиза
РАҲМАТУЛЛАЕВА,
«Turkiston» мухбири**

Ustozlar

БИЛИМ БИЛАН ЭЪЗОЗ ТОПАР НОМ

Инсон билими, маънавияти, касб-ҳунари билан гўзалдир, дея таъкидлаган аҳли дониш. Халқимизда ҳам ўз фарзандларини зукко, таълим-тарбияли, ҳунарли қилиб вояга етказиш азалий орзу-мақсад бўлган. Шу боис илм-ҳунар ўргатувчи муаллим, мураббийларга катта ҳурмат-эҳтиром билан қаралган.

Ана шундай шарафли ва масъулиятли касбга ўз умрини бағишлаган, мактаб деб аталмиш маърифат масканида 41 йил хизмат қилган Турдибой Ўролбоевни ҳам ҳануз ҳамкасблари, оиласи, яқинлари, кўплаб шогирдлари чуқур ҳурмат билан хотирлайдилар. Зеро, ўқитувчиликни, ёш авлод таълим-тарбиясини ўта масъулиятли вазифа деб билган фидойи инсон ана шундай эъзозли хотирага муносибдир.

Унинг ҳаёт йўли ва ўқитувчилик фаолияти ибрат бўлиб қолди. Фарзандларнинг ота касбини давом эттириши эса «Ўзанини топар дарёлар» деган иборани ёдга солади...

Ўрта мактабни олтин ме-

даль билан битирган Т.Ўролбоев Низомий номидаги Тошкент давлат педагогика институтининг (ҳозирги университет) тарих факультетига ўқишга кирди. Олий ўқув юртини ҳам мактабдаги каби муваффақиятли якунлади. Назарий жиҳатдан эгаллаган билимларни мактаб педагогик амалиётда синаб, тажрибасини, малакасини ошириб борди. Жўшқинлик билан бошланган фаолиятга йиллар давомида янада меҳр қўйди, унга содиқ бўлди.

Албатта, ҳар бир касб-ҳунарнинг ўз қийинчилиги, мураккабликлари бўлади. Ўқувчилар янги дарсларни ўзлаштириш учун тинглаб, ўқиб-ўрганганлари каби ўқитувчи ҳам ҳар гал ўқувчи-

ларга янги мавзунини ўргатиш, тушунтириш учун тайёрланиши талаб этилади. Ўқувчиларнинг уларни қай даражада ўзлаштираётганини назорат қилиши, ўз ўқитиш фаолияти даражасини таҳлил қилиши лозим. Ана шу таҳлилдан қониқмаса, ўз устида қайта-қайта ишлашга, янада кўп изланишга тўғри келади.

Ҳар куни соатлаб дарс ўтиш, савол-жавоб қилиш, вазифа ва топшириқлар бериш, эртасига уларнинг бажарилишини текшириш, баҳолаш каби узлуксиз давом этувчи машаққатли фаолият залворини кўтариш осон эмас, албатта.

Устозлари қўлида сабоқ олиб, кейинчалик улар сафида фаолият бошлаган шогирдлар Т.Ўролбоевни ўқитувчилик касбини ардоқлаб меҳр қўйган, унинг машаққатларидан ҳеч қачон нолимаган фидойи инсон сифатида хотирлайдилар.

Чилонзор туманидаги 200-мактабда қирқ йилдан ошиқ ёшларга сабоқ беришни чиндан-да фидойилик деб аташ

ўринли. Бу, аслида, чакана давр эмас. Ҳамма ҳам бир жойда бунчалик содиқлик билан ишлашни уйдлаши мушкул. Ишлаганда ҳам, чин юракдан, ҳамкасблар ҳурмат-эътиборини қозониб, ёш авлод олдидаги катта масъулликни зиммага олиб фаолият юртиш журъат ва эътиқоднинг юксаклигидан дарак беради.

Мактабда тарих ва жамиятшунослик фанидан дарс бериш билан бирга Т.Ўролбоев турли тадбирлар, кечаларни ташкил этиш, ўтказишда ҳам фаол бўлган. Табиатан санъат ва адабиётга ошно, ижодкор устозни айна пайтда рассом, мусиқачи сифатида ҳам билишган.

У узоқ йиллик фаолияти давомида «Халқ таълими аълочилиги» сифатида тақдирланди, кенг жамоада катта ҳурмат қозонди, ўқувчилар меҳр-муҳаббатига, эл олқишига сазовор бўлди.

Умрлар ўтади, инсонларнинг эл-юрт олдидаги хизматлари, эзгу ишлари қолади. Т.Ўролбоевнинг фарзандларидан икки нафари ота касби-

ни давом эттириб келмоқда. Ҳам ота, ҳам устоз ўғитлари, таълим-тарбиясини ўзига хос дастур деб биладилар.

— У киши фарзандларимизга катта уй-жой, бойлик эмас, маърифат, зиё улашишдек эзгу ишни ўргатиб, меҳрос қолдирдилар, — дея хотирлайди устознинг турмуш ўртоғи Муҳаббат опа. — Аслида улар берган тарбиялари, ўргатган ҳаёт ва билим сабоқлари фарзандлар учун ўлмас бойлик эканлигига амин бўлиб турибмиз. Домланинг ҳаёт йўли, касб фаолияти оиламиз, ҳамма яқинлари, шогирдлари учун ифтихор бўлиб қолди.

«Ўқув қайда бўлса, улуглик бўлар, билим қайда бўлса буюклик бўлар», — дея таъкидлайди аллома Юсуф Хос Ҳожиб. Ҳикматнинг ифодаси эса билимга, маърифатга интилиб яшаётган инсонлар қиёфасида, эъзоз топган номларда акс этаверади.

**Намуна МАЖИДОВА,
Тошкент шаҳридаги
34-мактаб ўқитувчиси**

E'tibor

БОЛАЛАР МИЛЛИЙ ЖАНГ САНЪАТИ БИЛАН ШУҒУЛЛАНМОҚДА

Миробод туманидаги 44-болалар ва ўсмирлар спорт мактабида ўзбек жанг санъати бўйича Тошкент шаҳар чемпионати бўлиб ўтди.

Тошкент шаҳар маданият ва спорт ишлари бошқармаси, Болалар спортини ривожлантириш жамғармаси филиали, Ўзбек жанг санъати федерацияси Тошкент шаҳар бўлими, «Камолот» ЁИХ Тошкент шаҳар кенгаши ҳамкорлигида ўтказилган мазкур мусобақада ўзбек жанг санъати билан шуғулланаётган етти ёшдан ўн тўрт ёшгача бўлган икки юз нафарга яқин ўғил-қиз йигирма саккиз вазн тоифасида беллашди. Қувонарлиси, мусобақа иштирокчиларининг етмиш нафардан ортиги қизлар бўлди. Бу ҳам мамлакатимизда қизларни спорт турларига кенг жалб қилиш борасида олиб борилаётган ишлар самарасидир.

Қизгин беллашуларда голиб-



лар аниқланди. Энди улар март ойида Тошкент шаҳрида ўзбек жанг санъати бўйича бўлиб ўтadиган Ўзбекистон чемпионатида иштирок этишади.

— Йилдан йилга спортга қизиқувчи ўғил-қизлар сафи кенгайиб борапти, — дейди Ўзбек жанг санъати федерацияси Тошкент шаҳар бўлими мураббийи Баҳодир Назаров. — Бугун спорт тўғрисида фарзандларини етак-

лаб келаётган ота-оналарни кўплаб учратасиз. Бу ҳам келажакимиз соғлом ва баркамол фарзандлар қўлида эканлигидан далолатдир.

Мусобақа сўнггида голиб ва соvrиндорларга ташкилотчиларнинг эсдалик совғалари топширилди.

**Шахло Тўраева,
ТДЮИ қошидаги академик
лицей ўқувчиси**

Fan oyligi

ЎЗЛИКНИ АНГЛАШ МЕЗОНИ

Шу кунларда мамлакат миқёсида ўтказилган тарих ва ҳуқуқ фанлари ойлигининг якуний фестивали бўлиб ўтаётти. Ушбу тадбирни ўтказишдан мақсад — аввало, ўғил-қизларнинг Ватанимиз тарихига қизиқишини ошириш, иқтидорли ўқувчиларни кашф этиш, шунингдек, замонавий таълим услубларини такомиллаштиришдан иборатдир.

Шу муносабат билан пойтахтимиздаги 301-мактабда Сирғали туманида фаолият кўрсатаётган умумтаълим мактабларининг тарих ва ҳуқуқ фани ойлигига бағишланган якуний фестивали ўтказилди.

Мазкур анжуман илғор педагогик технологиялар асосида олиб борилаётган дарслар муҳокамасига бағишланди. Миллий истиқлол гоёси асосида ўтказилаётган са-

боқлар ёш авлод қалбида ифтихор туйғуларининг куртак отишига сабаб бўлаётганини фан ўқитувчилари турли шаклдаги дарслар орқали ифода этиб беришди.

— Истиқлол йилларида ўзлигимиз, демакки, Ватанимиз тарихини ўрганишга қаратилаётган эътибор фарзандларимиз онгу шуурига ижобий таъсир этди, — дейди Тошкент шаҳар халқ таълими иж-

тимоий гуманитар фанлар услубчиси Элёр Мусохонов. — Бу эса уларда соғлом эътиқод, ишонч ва миллий қадриятларга садоқат руҳини шакллантириш, ёт мафкураларга қарши иммунитет ҳосил қилишда катта аҳамият касб этади.

Тадбир сўнггида фан ойлигида фаол иштирок этган ўқитувчилар туман халқ таълими муассасалари фаолиятини методик таъминлаш ва ташкил этиш бўлими томонидан рағбатлантирилди. Ўқувчилар намойиш этган саҳна кўринишлари, куй ва кўшиқлар иштирокчиларда катта таассурот қолдирди.

**Дилрабо ҲИКМАТОВА,
Сирғали туманидаги 3-мактабнинг тарих фани
ўқитувчиси**

ЁШЛИК

Ёшлик бу орзудир, ёшлик бу — ишонч,
Ёшлик — жасоратга интилиш демак.
Ёшлик, бу — лирика, ёшлик, бу — қувонч,
Ёшлик — истиқболга ташна бир юрак.

Ёшлик, бу — куч-қудрат, бебаҳо инъом,
Билим ва курашга беҳад ташналик.
Ёшлик бу — эзулик, чеки йўқ бир ком,
Улуғ гоёларга яқин ошнолик.

Ёшлик — доноликнинг ўрганиш фасли,
Келажакка уруғ қадаш имкони.
Ёшлик энг бокира туйғулар асли,
Беғубор севгининг авжи, тугёни.

Ёшлик — фидойилик, асрагин уни,
Ҳар бир дақиқасин билгин фанимат.
Бир умр ёдда тут, эй фарзанд, шуни:
Бефойда ўтмасин бу олтин фурсат.

ҚУЁШ

Порлоқ қуёш нур сочиб,
Юртим этар чароғон.
Кенг бағрим унга очиб,
Яйра, дерман, яйра, жон.

Қўш қанотим — икки қўл,
Қўкка учгим келяпти.

Офтоб томон олиб йўл,
Ўшиб, кучгим келяпти.

Ниятимдир соғ-омон,
Учиб етсам кошкийди.
Нур — қуёшга шу замон,
Сингиб кетсам кошкийди.

САЙР ЭТАЙЛИК

Мустақиллик майдонига юр,
Дил яйратар ҳурлик шамоли.
Сайр этайлик фараҳбахш, мағрур,
Ғам-андухдан бўлайлик холи.

Бунда суйиб сийлайди шараф,
Жўш уради фахр, ифтихор.
Нурга тўлиб қутлар тўрт тараф,
Қара, бизлар қандай бахтиёр.

Озодликнинг буюк тимсоли,
Эркимизнинг қуёши бу жой.
Лол қолдирар кўркам жамоли,
Лагофату нафосатга бой.

Истиқлолни кутиб интизор,
Қон қақшаган аждодлар учун.
Ҳеч бўлмаса ҳафтада бир бор
Сайр этайлик бу ерни бир кун.

Мустақиллик майдонига юр!

Мурод КАЛОНХОН



102 ёшли чемпион

Франция пойтахти Парижда ёши юздан ошган қариялар ўртасида веломарафон уюштирилди.

Мусобақада Робер Маршан исмли 102 ёшли отахон бир соат ичида 27 километр масофани босиб ўтди ва янги рекорд ўрнатди. Голиб бобо ўз натижасидан қониқмаганини, у велосипедни бундан ҳам юқори тезликда ҳайдай олишини айтган. Айни пайтда деярли барча спортчилар ўзларини яхши ҳис қилмоқда. Мусобақада спортчиларни қўллаб-қувватлаш учун уч юздан зиёд томошабин келди. Қолганларнинг натижаси ҳам ёмон эмас, лекин Маршаннинг кўрсаткичидан анча паст. Нафақага чиққанидан сўнг, велоспорт билан шуғуллана бошлаган Маршан бундан олдинги рекордларни ҳам ўзи ўрнатган эди.

Антиқа таъқиб

Токио ҳайвонот боғларининг биридан улкан горилла қочиб кетди. Уни қувлаб тутишнинг иложи бўлмагани сабаб, японлар антиқа йўл ўйлаб топдилар.

Ҳайвонот боғи ходимларидан бири горилла кийимида жониворни таъқиб қилди. Шунда тўсиқлар оша қочаётган жонивор тўхтаб, сохта маймуннинг ёнига келиб олди. Маймун катталиги учун уни тутишга бир неча ходим жалб этилди. Улар биргалишиб маймунни яна ўз «уйига» олиб бориб қўйдилар. Ушбу ҳайвонот боғидан ҳайвонлар тез-тез қочиб туради. Масалан, олдинроқ зебра, арслон, орангутан ва каркидон қочган эди.

Чироқ, ўчганда

Бразилияда олти миллион киши электр энергиясиз қолди.

Муаммо 11 та штат ва мамлакатнинг энг катта шаҳарлари — Сан-Паула ва Рио-де-Жанейрода юз берган. Узилишлар яқинда жаҳон чемпионати ўтказиладиган штатларда ҳам бўлган. Мамлакат электр-энергия бошқармаси бошлиғи Эдисон Лобау сўзларига қараганда, қисқа туташув катта муаммони келтириб чиқарган. Энди барчаси босқичма-босқич изига туширилади.

Кўнгилсизлик

Хитойда маккажўхори заводи портлаб кетди ва натижада тўққиз нафар ишчи жароҳатланди.

Асосан куйиш билан жароҳатланган ишчилар Харбин ва Дацин шаҳарларидаги шифоналарга жойлаштирилган. Улардан уч нафарининг аҳволи оғир. Маълум бўлишича, Хэйлунцзян провинциясидаги фабрика эрталлаб портлаган. Заводда йилига бир тонна сули қайта ишланар эди.

**Интернет манбалари асосида
Жавоҳир КАРОМАТОВ тайёрлади**



Fotofakt

«МАКЕДОН» КЎПРИГИНИ МАКЕДОНИЯЛИК ИСКАНДАР ҚУРМАГАН

Сурхондарё вилоятининг Қумқўрғон туманида кўҳна бир кўприк бор. Уни одамлар «Македон» ёхуд «Искандар кўприги» дейишади. Нега шундай номланиб кетгани ҳақида сўрасангиз, кўпчилик, бу кўприк жуда қадимий, уни Искандар Македонский қуриб кетган, дейди. Аслида-чи? Унинг македониялик саркардага нечоғлик дахли бор? Ўтган-кетганда кўзимиз тушгани, қолаверса, номининг галатилиги («Македон») у ҳақда суриштиришимизга тўртки бўлди.

маълум бўлди,— дейди археолог Абдулла Бобо-хўжаев. — Унга «Искандар кўприги» деб ном берилишига сабаб, Абдуллахоннинг отасини исми Искандар бўлган. Вақт ўтиши билан мазкур кўприкни Абдуллахон II қурдиргани халқнинг ёдидан кўтарилиб, «Искандар» номи македониялик Искандар исми билан боғланиб кетади. Халқимиз азалдан Александрни ўзбекчасига Искандар деб талаффуз қилади. Искандар бўлган, македониялик бўлса керак-да, дейишиб, бир-иккита содда одамнинг тили билан кўприк номи «Маке-

дон»га айланиб кетган. Кўприк жойлашган қишлоқни ҳам Македон деб атайдилар.

Мазкур кўприк гишдан мустақкам қилиб қурилган. Шунинг учун бўлса керак, машҳур кўприк асрлар оша ўз салобатини йўқотмасдан келмоқда. Ушбу кўҳна иншоот, олис ўтмишдан бир нишона бўлиб, ўз даврида кўшни давлатлар билан савдо-сотик алоқаларини боғлашда жуда муҳим аҳамиятга эга бўлган.

**Наргиза РАХМАТУЛЛАЕВА,
«Turkiston» муҳбири**

Олимлар бир неча асрлик тарихга эга ушбу кўприк ҳақида бир қанча илмий тадқиқотлар олиб боришган. Бугун мазкур тарихий кўприк ҳақида етарли маълумотлар

мавжуд.

— Илмий изланишлар натижасида мазкур кўприк Шайбонийхоннинг невараси Абдуллахон II буйруғи билан XVI асрда қурилгани

| | | | | | | | | | | | | | | | | | | | |
|-------------------|---------------------------|------------------------|-------------------------------------|------------------------------|---------------------|---|-------------------|---|--------------|-----------------|-------------------------|---|--------------------|---|--------------|---|--|---|---------------------|
| ↙ | Маймоқ хайвон | ↙ | Мотоцикл русуми | ↙ | Юқумли касаллик | ↘ | | ↘ | | ↘ | | ↘ | | ↘ | | ↘ | | ↘ | |
| ↘ | | | | ↙ | Малика хизмат-кори | ↘ | Пойтахти Боку | | «Зил» аждоди | ↘ | Штаг (АҚШ) | | От эгари | | Хийла, фирно | | | | |
| | Чақалоқ ўраладиган чойшаб | | ... да ҳамма ёқ тиң (кинодан парча) | → | | | | | ↙ | Сабоқ, машғулот | ↘ | | | | | | | | |
| ↗ | ↘ | ↘ | | | Қаландар, зоҳид | | Шикоят | → | | | Меҳнатга кўра ҳақ тўлаш | | Юпқа маго тури | | | | | | |
| Қилн-боз тўсиғи | | Қовун нави | | Қушнинг парвоз қилмиш аъзоси | ↘ | | | | Қағний қарор | ↘ | | | | | | | | | |
| ↗ | | | | | Амин бўлиш тай олиш | | Қвадрат (қисқача) | ↗ | | | Тинч соқин | ↗ | | | | | | | |
| Фокусчи «хийла»си | | ... Со-биров (қўшиқчи) | → | | | | Сен (шевада) | ↘ | | | Жуда, гоят | ↘ | Томир-дағи суякдик | | | | | | |
| Хошиш май | → | | | | Нобелнинг миллати | → | | | | | Тасдиқ сузи | ↘ | | | | | | | Килограмм (қисқача) |

Тузувчи: Фахриддин Раҳимов

Javohir

Алишер Навоий

Эй пари, юз ёралик кўнглум сари наззора қил,
Ёрасиз ҳар қайдаким топсанг, ани ҳам ёра қил.

Пора-пора айлагач бир-бир анинг ажжосини,
Юзларин борининг оҳим дуди бирла қора қил.

Хайли ҳиндудекки, душман илгида бўлғай асир,
Ҳар бирисин олам ичра бир тараф овра қил.

Чун алар овра бўлди, кўзларимни ҳам ўюб,
Ўтқа ташлаб, уйларин ҳам тош била юз пора қил.

Ул икавдин бошима келган балову ғуссани
Айлабон мундоқ уқубатлар, замоне чора қил.

Кўзу кўнглум бўлмаса, неткунг, агарчи, эй сипехр,
Хўбларга сарвдин қад, меҳрдин рухсора қил.

Эй Навоий, ўйнагунг йўқ ишқ то юз кўрмагунг,
Ур айтиб, ер ўп-у, сўз таркини яқбора қил.

Mutaxassis ogh etadi

ҚУРИЛИШ МАЙДОНЧАСИ ХАВФСИЗ БЎЛСИН

Ҳадемай, қаҳратон қишининг совуғи кўкламнинг илиқ шабадаларига алмашади. Халқимиз яна қурилиш-бунёдкорлик ишларига киришади. Аммо бу жараённинг ҳам ҳушёрлик ва эҳтиёткорлик талаб этадиган жиҳатлари бор. Масалан, қурилиш майдонларидаги вагончаларда.

Хўш, бу вагончаларнинг қандай хавфли томони бор, деб ўйлагандирсиз? Гап шундаки, кеч куз ва эрта баҳор кунларида, ҳали кун жуда исиб кетмаган вақтда кечки пайтлар қурувчилар вагонларини иситишларига тўғри келади. Бунда кўпинча улар қўлбола иситиш мосламалари, газ қурилмалари, ўзбошимчалик билан ясалган электр печлардан ҳам фойдаланишади. Хавфсизлик қоидаларига зид бундай ускуналар исталган вақтда кишиларга панд бериб қўйиши аниқ. Оқибати эса...

Бундай ҳодисаларнинг олдини олиш мақсадида мутахассислар «Вагонча» тадбирини ўтказиб боришади. Яқинда яна бир бор ушбу тадбир ўтказилиб, пойтахтимизда қурилаётган ва таъмирланаётган объектларда тарғибот ишлари олиб борилди. Аниқланган камчиликлар юзасидан ҳокимият ва бошқа идораларга тақдимномалар киритилди.

**Содиқ ХАЛИЛОВ,
Тошкент шаҳар ЁХБ 12-ХҲХО 1-ХҲХ
алоҳида пост катта инспектори, сержант**

ЗУККО МУҲЛИСГА САВОЛ:

Улуғ ўзбек шоири Лутфийнинг исми ким?

Жавобингизни 11 февраль соат 16.00 га қадар 233-79-69, 233-95-97 рақамларига кўнглироқ қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: Қафқол Шоший.
Тўғри жавобни биринчи бўлиб Нишон туманидан Ҳайитмурод Абраҳматов йўллади.

YON DAFTARCHANGIZGA

Ҳаётнинг қадрига етмаган одам ундан баҳраманд бўлишга ҳам лойиқ эмасдир.

Леонардо да Винчи